

四庫全書

集部

欽定四庫全書

御定歷代題畫詩類卷七十七目錄

蘭竹類

墨竹 宋梅堯臣

畫墨竹贊 宋黃庭堅

次韻謝斌老送墨竹十二韻 宋黃庭堅

荅秦兵部求墨竹 宋王佐才二首

墨竹 宋白玉蟾

墨竹扇頭

元 元好問

德和墨竹扇頭

元 元好問

題醉隱墨竹

元 王惲二首

墨竹歌

元 王惲

墨竹

元 程鉅夫

墨竹

元 張弘範

墨竹

元 袁桷

墨竹扇頭

元 馬祖常

題墨竹 元馬祖常

題墨竹 元楊載二首

墨竹 元歐陽玄

題墨竹 元宋本

墨竹 元李孝光

書墨竹 元薛漢

求葉仲興寫墨竹扇面 元岑安卿

題墨竹 元李祁

題趙榮祿墨竹

元倪瓚

墨竹

元倪瓚三首

寫墨竹二枝并題

元劉永之

題墨竹

元劉永之

題墨竹

元陶宗儀

題墨竹

元于立二首

題墨竹

元馬臻二首

題墨竹

明劉基二首

墨竹 明陶安

墨竹 明楊基

墨竹 明孫黃三首

墨竹 明卓敬

題墨竹 明王紳

題墨竹 明金幼孜六首

題墨竹 明林環

墨竹 明陳全

墨竹

明商輅三首

墨竹

明李東陽

墨竹

明黃仲昭

墨竹

明吳寬

題墨竹

明徐渭二首

謝子舟為予作風雨竹

宋黃庭堅

再用前韻詠子舟所作竹

宋黃庭堅

題文與可風雨墨竹

元素楠

湘江風雨畫竹

明謝承舉

上都客舍士弘為作風竹

元袁桷

題李士弘學士畫明復齋風竹

元袁桷

息齋風竹圖

元馬祖常

題張氏風竹圖

元陳旅

龍門公墨竹風煙夕翠

元元好問二首

子昂風竹橫披

元宋聚

墨竹金龐鑄三首

墨竹

元袁桷四首

墨竹

元貢師泰四首

題雨竹

元陳旅

題倪氏雨竹

元陳旅

虞勝伯畫雨竹

元鄭元祐

題宋王孫雨竹

元鄭韶

雨竹圖

元吳師道

張雲門雨竹

元唐肅

王子明求題高侍郎雨竹

元張雨

題雨竹

明高啓

題雨竹

明劉崧二首

題雨竹

明王紱

題雨竹

明趙迪

題雨竹圖

明倪敬

雨竹

明李日華

雨竹

明徐渭

瀟湘雨意圖

明熊直

萬竿煙雨圖

元歐陽玄

題萬竿煙雨圖

明林環

題萬竿煙雨圖

明金幼孜

萬竿煙雨圖

明呂淵

煙雨萬竿圖

明王越

煙雨竹圖

明樊阜

煙雨萬竿圖

明僧麟洲

題劉廷問舍人所藏夏仲昭太常晴雨二竹

明程

敏政二首

過華叔瑞草堂寫晴竹於壁上

明王紱

晴竹

明李日華

露竹

元吳鎮

題趙師舜所藏雪竹圖

元虞集

寄相仲積求觀鄭北山雪竹賦并畫卷

元吳萊

李仲賓雪竹

元張雨

題雪竹 明劉泰

題屈處誠雪竹 明陸深

雪竹 明徐渭

題李學士嫩竹圖 元陳旅

題白巖新竹卷 明楊旦

寫新竹 明李日華

萬竹圖 元歐陽玄

題萬竹圖 元張天英

叢竹圖

元鄭元祐

寫墨竹一枝

元劉永之

一枝竹圖

元陳旅

一葉竹為竹叟禪師作

元吳鎮

題濃淡竹

元劉詵

題畫鈎勒竹

元陳基

畫鈎勒竹

明陳昌

斑竹圖

明方孝孺

畫孤竹 明丘濬

畫映水竹枝 明李日華

題畫竹染綠色 明徐渭

御定歷代題畫詩類卷七十七目錄

欽定四庫全書

御定歷代題畫詩類卷七十七

蘭竹類

墨竹

宋
梅堯臣

許有盧娘能畫竹重抹細拖神且速如將石上蕭蕭枝
生向筆間天意足戰葉斜尖點映間透勢虛粘斷還續
粉節中心豈可知淡墨分明在君目

畫墨竹贊

宋
黃庭堅

人有歲寒心乃有歲寒節何能貌不枯虚心聽霜雪

次韻謝斌老送墨竹十二韻

宋黃庭堅

古今作生竹能者未十輩吳生勒枝葉筌宋遠不逮江
南鐵鉤鎖最許誠懸會燕公灑墨成落落與時背譬如
剗心松中有歲寒在湖州三百年筆與前哲配規模轉
銀鈎幽賞非俗愛披圖風雨入咫尺莽蒼外吾子學湖
州師逸功已倍有來竹四幅冬夏生變態預知更入神
後出遂無對吾詩被塵倒物固不兩大

答秦兵部求墨竹 二首

宋 王佐才

夜到茅亭近竹籬影垂寒月下苔墀吟餘未嬾蕭疎興
曾寫離披一兩枝

墨傳高節未為精虛辱佳篇拂素屏不敢持毫強羞縮
喜公心已厭丹青

墨竹

宋 白玉蟾

虛舟惠我一墨竹紙上森森一枝玉展向庭前與鶴看
今宵不許枝頭宿

墨竹扇頭

元
元好問

嫩香新粉玉交加
小筆風流自一家
只欠雪溪王處士
醉來肝肺出枯槎

德和墨竹扇頭

元
元好問

靜裏離離新粉動
時細細清香明月清
風自在紅塵白
日何妨

題醉隱墨竹

二首

元
王惲

清溪映竹竹連雲
冉冉晴梢醉墨新
却為歲寒心事苦

煖煙濃淡要橫陳

露梢風葉喜晴春
醉埽吟看卧竹根
欲見此君生意盛
滿川煙雨半龍孫

墨竹歌

元
王惲

吾生愛竹兼嗜石
手不能書漫成癖
憶從林下七賢游
終日摩挲弄寒碧
山河一自隔黃壚
塵土填淤百憂集
得君此畫忽灑然
元氣淋漓障猶濕
滿空月露下寒梢
人去山陰鎖幽寂
又如湘妃廟前風
雨晴翠袖紛披山

鬼泣幾竿迸出太古崖老節霜欺初不惜表將一片歲
寒心不與繁華競朝夕東欄牡丹鶴翎紅西沼芙蓉紺
珠色歌鍾傾國樂芳年以色事人能幾日何如鴨江居
士詩骨清而臞手種此君忘肉食不須拄杖敲人門萬
斛清風破牕北月中看竹埽秋影妙得於心發之筆興
來落紙出意表擬學湖州減形迹嗚呼湖州已矣蕭郎
遠今代名家淡游客君不見李杜文章萬丈光一日齊
名偉高適

墨竹

元
程鉅夫

舊篠斜依石新梢怒出林平生讀書處手種盡成陰

墨竹

元
張弘範

麝墨芸香小玉叢澹煙橫月翠玲瓏小屏春鎖綠牕夢
也勝湖江煙雨中

墨竹

元
袁桷

蘆葉不禁秋色柳枝那解春聲醉閱小牕橫幅風回雨
轉雲清

墨竹扇頭

元 馬祖常

冰紈已却暑況此碧琳琅好伴玉塵尾涼颼滿高堂

題墨竹

元 馬祖常

山雨瀟瀟濕翠旌雲中仙度鳳吹笙苔衣坐滿空林石
放鶴歸來獨自行

題墨竹

元 楊載

嶰谷陰寒石如鐵二龍僵立露骨節春雷動地萬物活
畏汝飛騰衝石裂攢青聚綠生巖幽海濤聲引風颼颼

年年三伏林下卧白晝慘慄如深秋

題墨竹

為鄭尊師

元楊載

風味既澹泊顏色不斌媚孤生崖谷間有此凌雲氣

墨竹

元歐陽玄

數枝淡淡與濃濃垂葉應無蠹靡容玉立滿身都是雨
無人能識葛陂龍

題墨竹

元宋本

可人家住簷簷谷明月清風十萬竿一自玉山相見後

滿庭清影夢高寒

墨竹

元
李孝光

蒼髯老翁鱗甲香力能拔山補青岡池邊日日吐雲雨
道人牀敷夜氣涼道人嗜唾莫救鵬阿翁勸爾以一觴
天邊石上有髯客看汝巉龍頭角長

書墨竹

元
薛漢

當年文湖州愛竹骨已朽祇今高李筆可繼湖州後何
人裂霜紈寫此三五葉想見翠琅玕蕭然挺清節

求葉仲興寫墨竹扇面

元 岑安卿

此君一日不可無子猷篤愛心歡愉延平官舍斬伐餘
稽山倦客心煩紆先生拋官南海來胸中丘壑爭崔嵬
筆端造化奪天巧籜龍一夜驚春雷素絹團團翦秋月
願染玄霜寫幽絕蕭然便覺風雨生頃刻清寒屏炎熱
昔時與可稱絕倫息齋近世尤逼真我持此扇出門去
要使襪材咸萃君

題墨竹

元 李 祁

偃榦橫穿石騰梢上拂雲定知風雨夜迢遞更思君

題趙榮祿墨竹

元倪瓚

緣江修竹巧臨摹慘淡松煙忽若無亂葉寫空分向背
寒流篆石共縈紆春渚雲迷思鼓瑟青厓月落聽啼烏
誰憐文采風流意漫賞丹青沒骨圖

墨竹

元倪瓚

明月臨虛幌疎簾舞翠鸞獨吟苔石上霜葉媚天寒

題墨竹

送顧克善府判之高郵

元倪瓚

高郵古淮甸世產不乏賢顧君往佐郡才華當妙年歌
詩隱金石八音以相宣侈哉錦囊句雅甚朱絲絃而此
艱虞際撫事一愴然饑者易為食君能念顛連何以贈
子行墨君霜節堅

寫墨竹

贈顧友善

元倪瓚

顧伯末派隱君子林居江濱古東里澡身潔行讀書史
思友天下之善士綠竹猗猗蔚材美獨立不懼羣不倚
長吟揮毫為君起寫其形模惟肖似諒哉直清可以比

寫墨竹二枝并題

與章子愚

元

劉永之

落日洞庭西曾聞唱竹枝十年江海別風雨漫相思

題墨竹

元

劉永之

新雨收金玦輕風轉玉環截筒為九寸吹向武夷山

題墨竹

元

陶宗儀

把燭倩官奴娟娟入畫圖秋聲風雨外照見碧珊瑚

題墨竹

元

于立

種竹滿山阿蕭蕭風雨多會當成翠實鳴鳳一來過

題墨竹

元
于立

先生舊隱鑑湖曲
無數琅玕遶屋生
蕭蕭六月動秋思
不是風聲即雨聲

題墨竹

元
馬臻

拂雲標格歲寒心
墨色分陰重又輕
不似渭川千畝綠
只和風雨作秋聲

墨竹

元
馬臻

墨光浮潤拂新梢
尚憶清風遶銳毫
安得滿林生練實

鳳巢丹穴正嗷嗷

題墨竹

明
劉基

蒼梧山下無窮竹
盡是湘妃淚種成
煙雨不銷千古恨
珮環虛度九秋聲
見愁牧豎乘時伐
可待伶倫學鳳鳴
獨立淒涼對圖畫
為君惆悵一沾纓

題墨竹

明
劉基

風梢舞空煙露葉
滴晴月折取寄情
人感此歲寒節

墨竹

明
陶安

煙雨空濛翠影雙滿林清氣逼寒江雲間禁直青綾夜
一片秋聲起瑣牕

墨竹

明 楊基

煙梢忽縱橫風葉屢偃仰一榻卧山中靜聽秋雨響

墨竹

三首

明 孫蕢

洞庭春盡水溶溶錦瑟輕寒起卧龍行客欲投蒼水珮
亂雲遮斷九疑峰

誰拈秃筆寫淒迷亂石橫江碧玉低猶記畫船初泊岸

落花時節郭公啼

歲粧萬玉曉撐風應是清溪野水東更畫接羅顛倒著
嫩涼添我綠陰中

墨竹

明
卓敬

洞庭木落水生波斜月虛牕露氣多虞帝不歸秋色晚
滿江煙雨泣湘娥

題墨竹

明
王紳

瀟湘江上暮雲迷落日無人翠羽低艤擢黃陵廟前宿

一篷春雨鷓鴣啼

題墨竹

二首 贈貢士鄒觀

明

金幼孜

虛心秉高潔不受一塵侵
五月清溪上蕭蕭風滿林
挺挺瀟湘玉平生意獨耽
玉堂風雨夜思爾隔江南

題墨竹

四首 寄趙君公復

明

金幼孜

猗猗綠如簣飄拂青雲端
炎光不到地颯颯江風寒
瀟灑渭川上數竿淨如許
秋思滿江南寒煙淡疎雨
幽貞不可變歲久色逾好
夫君渺湘南冰霜慎自保

新梢出林表可儼青琅玕應知晚節至結實待鳳鸞

題墨竹

明林環

森森萬玉翠含滋渾似瀟瀟雨後時吹斷玉簫寒月白
一庭清影鳳來遲

墨竹

明陳全

月白三湘秋河明上池水夜半玉簫寒青鸞忽驚起

墨竹

二首為戴
震先生題

明商輅

一林蒼玉發新梢彷彿朝陽見鳳毛勁直不隨霜雪變

也應素節養來高

淡墨何年寫此君
牕前彩鳳見來頻
虛心不改歲寒意
為有清風是故人

墨竹

為李都督賦

明

商輅

直節真心異衆葩
數竿蒼翠拂牕紗
江南歲晚冰霜少
日報平安達帝家

墨竹

明

李東陽

翠珮瑤環昨夜風
渚雲飛盡楚王宮
青娥舞罷婆娑曲

人在空山月影中

墨竹

為林信
傳賦

明

黃仲昭

龍蔥翠玉擅風標白石清泉伴寂寥
安得伶倫裁鳳管
五雲深處和簫韶

墨竹

明

吳寬

深林不減簑簫谷亂影都歸丈八溝
最愛長竿如綠玉
何年去上釣魚舟

題墨竹

二首

明

徐渭

嫩篠捎空碧高枝梗太清總看奔逸勢猶帶早雷驚
當其尋丈節數寸蛇與蟬化工無筆墨个字寫青天

謝子舟為予作風雨竹

宋
黃庭堅

子舟詩書客畫手睨前輩挹袂拍其肩餘力左右逮摩
拂造化鑪經營鬼神會光煤疊亂葉與世作者背看君
回腕筆猶喜漢儀在歲寒十三本與可可追配小山蒼
苔面突兀謝憎愛風斜兼雨重意出筆墨外吾聞絕一
源戰勝自十倍榮枯轉時機生死付交態狙公倒七芣

勿用嗔喜對此物當更工請以小喻大

再用前韻詠子舟所作竹

宋 黃庭堅

森削一山竹壯士十三輩自干雲天去草芥肯下逮虛
心聽造物顛沛風雲會榮枯偶同時終不相棄背誰云
湖州沒筆力今尚在阿荃雖墨妙好以桃李配國工裁
主意冷淡恐不愛子舟落心畫榮觀不在外耆年道機
熟增勝當更倍祖述今百家小紙弄姿態雖云出湖州
卷置嬾開對非公筆如椽孰能為之大

題文與可風雨墨竹

元
袁 桷

妙筆挾天巧，黑雲參差高。
偃疑受雨深，俊欲凌風翱。
颯爽隨卷舒，清涼散塵囂。
湛湛不受暑，靈籟虛牕號。
緬懷文湖州，玉雪中豪想。
此磅礴時，葆光解天叅。
老僧道機熟，形影隨目逃。
持以深贈之，生意窮秋毫。
高齋夜氣寂，定回起層濤。

湘江風雨畫竹

明
謝承舉

雲深蘭露泣，雙鬟懶髓流。
香翠點斑斑，一望蒼煙三萬里。

不知何處九疑山

上都客舍士弘為作風竹

元
袁
桷

門巷泥深笑獨清
此君瀟灑未忘情
無端昨夜風花急
却送秋聲作雨聲

題李士弘學士畫明復齋風竹

元
袁
桷

虛聲出素壁
冷冷天地秋
矧此三伏涼
居然索重裘
盪摩神光旋
戛擊玄露浮
浩蕩白玉京
頃刻瀟湘洲
昂昂負嶠仙
筆底寒飈颭
高齋襲道氣
深根淡無求

息齋風竹圖

道士華山隱得之命予賦之

元

馬祖常

往年家住篴簫谷丹鷺之實美如粟玄雲翻空下深靚
昆吾寶刀削秋玉石衣漬錦侵書光風微粉墮生細香
琳館瑤臺九天近夜寒笙磬聲鏘鏘萬斛蒼煙鬱江雨
二妃彈瑟瀟湘浦郇筒蜀酒亦堪沽蟠石雙杖今誰取
河朔歲晏冰為梁羣木鱗皴臨雪霜遲汝狂飈莫吹裂
截管他年侑帝觴

題張氏風竹圖

元

陳旅

湘江風捲白頭波
北渚雲深帝子過
欲采瓊芳渡江去
翠衫輕薄曉寒多

龍門公墨竹風煙夕翠

二首

元好問

渭川東望水雲寬
雨潤煙濃下筆難
今日龍門圖上看
蕭郎只合老荒寒

煙梢露葉捲秋山
揮灑縱橫意自閒
莫問筆頭龍未化
看看霖雨滿人間

子昂風竹橫披

元
宋 聚

筆意出天機
倏然仰復低
稍須風勢定
應有鳳來棲

墨竹 三首

金
龐 鑄

隔溪煙雨圖

一溪流水玉娟娟
溪上修篁接暮煙
誰倩能詩文與可
筆端移得小江天

秋風驟雨圖

瀾川急雨暗秋空
無限琅玕淡墨中
劒甲縱縱軍十萬
欲將貔虎戰斜風

春雷起蟄圖

千梢萬葉玉玲瓏
枯槁叢邊綠轉濃
待得春雷驚蟄起
此中應有葛陂龍

墨竹 四首

元
袁 桷

老竹

寒寒凌雲志霜餘節更存
春風宜管領生意屬兒孫

嫩竹

奮雷初出地承露已凌煙
願從朝元駕為旄拂九天

風竹

直道犯無隱虛心明且清側身思遠舉巖壑養深情

雨竹

曉沐換新綠萬采成空塵守墨心不緇同玄道彌真

墨竹 四首

元
貢師泰

風竹

歌枕夢江濤瀟湘生晚綠二妃邈何許千里一黃鵠

雨竹

雙鳳浴瑤池毛羽空翠滴仙人騎上天但見遼海碧

老竹

蒼龍在海上千載蛻神窟忽然凌空飛鱗甲擢白日

嫩竹

文苞解晴日纖粉落輕颺青鸞忽飛起牕戶自蕭蕭

題雨竹

元陳旅

江上鷗鴟留客住黃陵廟下泊船時一林春雨垂垂綠
消得晴風爛熳吹

題倪氏雨竹

元
陳旅

落日楚江深
鷓鴣啼遠林
相思不可見
池上寫春陰

虞勝伯畫雨竹

元
鄭元祐

渭川煙雨綠
漪漪公子飛
雲出硯池
萬箇青琅秋一抹
高梢特聳鳳凰枝

題宋王孫雨竹

元
郊韶

閨閣春寒寫素屏
兩枝如玉立
亭亭分明自注銀潢水
白日天階洗鳳翎

雨竹圖

元 吳師道

千年舜妃淚一幅湘川雨掩卷不忍題余心正懷古

張雲門雨竹

元 唐 肅

龍駕飛來帝子雙春雲漠漠暗湘江江神啟路霏靈雨
濕透前頭翡翠幢

王子明求題高侍郎雨竹

元 張 雨

雨立脩篁似戟枝墨君留影故皦皦房山祇憶巴山夜
及見官奴把燭時

題雨竹

明 高 啓

巫峽雲連湘水低
行人路滑畏深泥
不見朝陽鳴鳳至
春陰日日鷓鴣啼

題雨竹圖

明 劉 崧

怪石凝雲氣橫枝
浥露香故人渺何許
秋意滿瀟湘

題雨竹

明 劉 崧

滄波石面晚陰涼
翠篠娟娟過雨香
何許鷓鴣啼不斷
黃陵祠下是三湘

題雨竹

明王紱

高軒置酒延夕曛眼前知己無如君
枯腸醉後有芒角手揮高節凌青雲
圖成自覺精靈聚素壁俄然儀鳳羽
擬得秋深直造來剪燭連牀聽風雨

題雨竹

明趙迪

黃陵日已昏蕭瑟涼颭起殘雨挂空
江溟濛若千里暝色夕鳥前寒聲暮
猿裏應知葉上秋盡入湘潭水

題雨竹圖

明倪敬

鷓鴣啼斷雨
毵毵獨倚欄
杆酒半酣
威鳳不來秋已老
暮雲凝碧暗湘南

雨竹

明
李日華

襌裊紫鳳毛
瑤階沐春雨
玉簫聲未沈
似聽幽人語

雨竹

明
徐渭

天街夜雨翻盆注
江河漲滿山頭樹
誰家園內有奇事
蛟龍濕重飛難去

瀟湘雨意圖

明
熊直

萬竹叢深日未晡寒江煙雨翠模糊東風無限瀟湘意
却倚篷牕聽鷓鴣

萬竿煙雨圖

元 歐陽玄

森森萬木種清和奈此霏微煙雨何千古首陽宗二墨
清風又似不須多

題萬竿煙雨圖

明 林環

濕雲凝煙吹不起寒影半沈湘江水湘妃瑤瑟悲夜長
散作雨聲蒼茫裏杜鵑怨春春始歸新妝翠袖啼娥眉

愁魂飛去人不知
鸞珮墜地搖參差
披圖却憶長相思
扁舟落日零陵祠

題萬竿煙雨圖

贈康知事

明金幼孜

萬玉碧毵毵
煙深雨氣涵
鷓鴣啼日暮
客思滿江南

萬竿煙雨圖

為童僉憲題

明呂淵

君不聞淇水隈
煙籠萬箇綠猗猗
又不聞湘江曲
雨過千竿齊挺玉
淇水湘流各一方
遙遙相隔千里長
君胡巧將縮地訣
併作無邊煙雨鄉
鷓鴣聲近黃陵廟
山接

九疑猿夜叫少年曾記畫船經百咏新題隨口道今日
看圖憶少年老懷衰鬢兩茫然縱有琅玕可人景愧無
珠玉驚人篇聞君愛竹幾成癖沙土南金灰白壁閒來
酣聽戛鏗音靜裏飽觀蒼翠色君兮君兮聽我歌江上
年年風雨多竹花零落碧雲冷奈爾鳳鴛無食何

煙雨萬竿圖

為松陵曹少誠作

明王越

瀟瀟南下路漫漫薄暮歸來倚棹看疎雨淡煙秋一片
滿江飛翠濕衣寒

煙雨竹圖

明
樊 阜

九疑矗沓濕翠迷浦淑黯黯黃陵西霏英沆漭闢纖裊
咽泣鷓鴣涼月低石壇冪歷苔痕紫冷沁羽幢吹不起
慈牕瓊館隔離宮鸞尾參差蘸江水千年舊恨餘斑斑
幽叢珮玉寒闌珊膩粉粘枯亂紛馥南巡帝子何時還
瑤瑟聲沈天欲曙女郎躡歌過江去扁舟杳渺弔靈均
脈脈流澌無覓處

煙雨萬竿圖

明
僧麟洲

空江秋雨又秋風疑殺山前路不通多少黃陵莎草恨
盡情歌在竹枝中

題劉廷問舍人所藏夏仲昭太常晴雨二竹二首

明

程敏政

太常醉搦紫宣毫不寫李王金錯刀閣舍朝回卷簾處
楚江風雨戰秋濤

舊宅依稀練水傍古墩幽竹自成行披圖却似身重到
刺眼脩脩鳳尾長

過華叔瑞草堂寫晴竹於壁上

明王紱

我愛君家遠城郭，遶簷竹色侵簾幙。
醉中揮翰寫晴梢，湘雲一剪春陰薄。
看來頓覺風氣清，耳邊恍若聞秋聲。
嘯歌到晚不歸去，高卧翠陰呼月明。

晴竹

明李日華

新粉指可拭，舊青玉不如。
翠葆何方來，奕奕迎仙姝。

露竹

元吳鎮

晴霏光煜煜，皎日影瞳瞳。
為問東華塵，何如北牕風。

題趙師舜所藏雪竹圖

元虞集

鳳凰臺畔竹猗猗
別出參差玉一枝
閱盡雪霜心似鐵
高風惟許歲寒知

寄相仲積求觀鄭北山雪竹賦并畫卷

元吳萊

古人不可作雪竹有奇思
鄭公詠騷詞或者攻繪事
向來拈筆間才士巧相值
誰從歲寒窺使得瑚璉
器東國正擾攘靖康更無二
上天忽同雲大地惟朔吹
玄陰知

已凝積羽忍不墜狂曾驚炙求困及蟻漿饋離明乃煌
煌勁節特一致秦關收甲兵蜀閫擁奇幟每疑一寸心
長挺千畝翠學行尚吾時窮達等墨戲相君本彌甥年
耄常拭眚自應守遺文重襲在篋笥滿山蒼竹林凡木
總顛顚因之寄君詩為灑懷古淚

李仲賓雪竹

元
張雨

斷縑黯淡何人墨四十年前老薊丘向使戴家多種竹
雪中那肯便回舟

題雪竹

明
劉泰

雪霽湘川絕點埃，冷枝寒葉脆難開。
舜妃昨夜遊何處，騎得翩翩白鳳回。

題屈處誠雪竹

明
陸深

蕭蕭雲物滿堂寒，屈老風神向筆端。
帶雪琅玕三百箇，蔣家徑裏見袁安。

雪竹

明
徐渭

山中雪厚沒人腰，城瓦猶堆尺五高。
壓損青蛇三百萬，

起烘冰兔埽雙梢

題李學士嫩竹圖

元陳旅

楚雨初晴野水生
新篁落粉鷓鴣鳴
洞庭春去湘娥老
緱嶺人吹紫玉笙

題白巖新竹卷

明楊旦

清影離離半牕竹
浥露凝煙翠堪掬
託根此地何孤高
絕勝山阿井水澳
月姊故故夜深來
寫出此君真面目
賦形不入草木流
勁節虛心自天育
締盟誰共歲寒三

迸地如陳爰位六結實終期鳳鳥棲敲風應遣詩魔伏
主人觴詠有餘興滿院綠陰濃入屋門牆豈無桃與李
奈此春華零落速眼看稚子又生孫厚植深培為君祝
勛庸次第收汗青懸賞旌功安用卜

寫新竹

明

李日華

雨過春坡一尺泥玉芽迸出筋頭齊蜻蜓翅薄蜂鬚短
綠影差差野日西

萬竹圖

元

歐陽玄

露壓煙梢整復斜
有時風定翠交加
閒身幸老清平世
喜見鸛雛待竹花

題萬竹圖

元 張天英

遠近陰晴玉萬竿
渭川何在綠雲寒
硯坳飛墨如飛雨
白髮蕭郎仔細看

叢竹圖

元 鄭元祐

賦詩何處極幽探
多在青山海岳菴
一片綠雲塵跡斷
萬竿煙雨大江南

寫墨竹一枝

元 劉永之

為君拈筆寫簾簾數尺新梢綠粉香持向西牕聽夜雨
高情渾似對瀟湘

一枝竹圖

元 陳旅

高人石上種琅玕林屋秋晴共倚闌不送軒轅裁鳳管
小窓留得一枝看

一葉竹為竹叟禪師作

元 吳鎮

誰云古多福三莖四莖曲一葉硯池秋清風滿淇澳

題濃淡竹

元
劉詵

遠看如淡近看濃雙立亭亭傲晚風俗眼未應輕揀擇
此君清致本來同

題畫鈎勒竹

元
陳基

素節亭亭不可移珊瑚為幹玉為枝高堂歲晚看圖畫
彷彿清風見伯夷

畫鈎勒竹

明
陳昌

秋風白戰楚江濤雪捲空山見海鼃一夜靈妃眠不穩

月明飛佩過湘皋

斑竹圖

明

方孝孺

湘君泣盡淚痕乾
翠袖蕭蕭倚暮寒
却憶洞庭為客處
滿湖風月泛舟看

畫孤竹

明

丘濬

大易象蒼筤古詩咏淇澳
君子哉若人離人立於獨

畫映水竹枝

明

李日華


照影青鸞不自持
天風颯颯弄氍毹
月寒波冷簫聲歇

續得黃陵廟裏詩

題畫竹染綠色

明
徐渭

我亦狂塗竹翻飛水墨梢不能將石綠細寫鸚哥毛



御定歷代題畫詩類卷七十七

欽定四庫全書

集部

御定歷代題畫詩類卷

七十八至
八十一

詳校官侍郎_臣李封

主事銜_臣徐以坤覆勘

總校官降調編修_臣倉聖脉

校對官編修_臣繆晉

謄錄監生_臣陳炳德

欽定四庫全書

御定歷代題畫詩類卷七十八目錄

蘭竹類

題宋徽宗畫竹

明李本

題徽宗墨竹

明楊旦二首

題金顯宗墨竹

元王惲四首

題金顯宗墨竹

元柳貫

題金顯宗墨竹

元盧亘

金太子允恭墨竹

元劉因

金宣孝太子墨竹

元張翥

謝李息齋惠墨竹

元貢奎

題息齋墨竹圖

元元明善

題息齋墨竹

元柳貫

息齋墨竹

元吳師道三首

葉敬甫所得息齋墨竹為火燎其半

元吳師道

息齋雙竹圖

元王冕

題息齋竹次韻

元貢性之

題李則平憲副所藏息齋竹

元貢師泰

題李息齋竹

元于立

題李息齋竹

元熊夢祥

題李息齋畫竹一枝

元張天英

高彥敬尚書墨竹

元僧大訢

題高房山墨竹圖

元鄧文原

高房山墨竹

元鄭元祐

題高房山墨竹

元成廷珪

房山畫竹

元顧英

房山畫竹

元馬庸

房山畫竹

元周谷賓

房山畫竹

元楊維禎

遵道竹枝

元張雨

李遵道墨竹歌

明張羽

題故友楊孟載所畫竹

明張羽

楊孟載畫竹

明徐貴

仲昭竹

明李時勉

題仲昭竹

明聶大年

題夏仲昭墨竹橫卷

明李東陽

題徐士元所藏夏太常竹

明周倫

夏仲昭畫竹

明顧璘

題夏仲昭竹

明楊慎

夏太常墨竹卷

明吳寬

為楊應寧題夏太卿墨竹

明吳寬

題夏太常墨竹

明王世貞

題楊諭德所藏王孟端瀟湘萬竹圖

明曾棨

王孟端竹長卷

明李東陽

王孟端墨竹

明吳寬二首

題王孟端贈趙定軒墨竹

明吳寬二首

題王孟端畫竹後

明王世貞

乾明院觀畫

宋陸游

馬和之畫卷

元 鄧文原

奉題匏菴所藏畫

明 練子寧二首

題文徵明畫

明 邵寶

定公房小畫

明 顧璘二首

題畫

明 董其昌

御定歷代題畫詩類卷七十八目錄

欽定四庫全書

御定歷代題畫詩類卷七十八

蘭竹類

題宋徽宗畫竹

明

李本

宣和殿下碧琅玕月影風聲豈耐寒
一自江南栽老檜
誰將消息報平安

題徽宗墨竹

二首

明

楊旦

蕭瑟煙梢滿壁風宣和御記墨痕中
後來大有王孫草

流落天涯一樣工

沙漠從無玉萬竿
冰天雪窖太嚴寒
枝枝埽出傷心畫
猶當江南夢裏看

題金顯宗墨竹

四首

元

王惲

離離香粉淡爭妍
莫作荒寒景趣看
絕似承華宮檻畔
春風和露濕闌干

一枝蒼雪映遼江
滿意春煙鎖建章
監國撫軍仁孝在
不應游藝較蕭郎

筆藝初非羨顯宗承華主鬯兩冲容天教二十年陰賜
護養風雷見籀龍

午牕翻畫顯皇書問寢龍樓孝有餘夢到承華欄檻底
露梢煙葉儘扶疎

題金顯宗墨竹

元 柳貫

海潤星輝大定年生綃筆筆寫蒼煙若為夢裏簣簵谷
直到洋州雪筏邊

題金顯宗墨竹

元 盧亘

天人賦物如天工墨光灑竹回天容千年勁玉寒不死
清波照響悲吟龍煙凝草綠承華殿鬼冷秋霜月如練
長毫寫影竹不知子夜歌殘空記面春雲一散風吹塵
茫茫海色翻青鱗金仙淚痕愁漢月尚憐玉軸隨時新
夢跨茅龍上天去女媧補天天不語海綃畫鸞生翠羽
踏破銀灣濕河鼓射龍江深春不度風色蕭蕭怨千古

金太子允恭墨竹

元
劉因

黑龍江頭氣鬱蔥武元射龍江水中江聲怒號久不瀉

破墨揮灑餘神功天人與竹皆真龍墨竹以來凡馬空
人間只有墨君堂何曾夢到瓊華宮瑤光樓前月如練
倒影自有河山雄金源大定始全盛時以漢文當世宗
興陵為父明昌子樂事孰與東宮同文采不隨焦土盡
風節直與幽蘭崇百年圖籍有蕭相一代英雄唯蔡公
策書紛紛少顏色空山夜哭遺山翁我亦飄零感白髮
哀歌對此吟雙蓬秋聲蕭蕭來晚風極目海角天無窮

金宣孝太子墨竹

元張翥

沙海神光射天起中有蟠龍龍有子混同江聲何處來
卷作琳琅墨池水蜿蜒欵起鱗鬣張蛻骨立化千竇
一朝侍臣抱髯泣鶴駕不歸雲路長百年梁苑陵谷變
流落人間能幾見明昌內府應祕藏小字親題保成殿
吁嗟帝子真天人此君亦作天人真君不見洋州老太
守揮灑雖工無此神

謝李息齋惠墨竹

元
貢奎

湖州墨竹蘓州詩李侯二美能兼之長安城中忽到眼

坐我六月江南時幽人江南結林屋紫碧森森萬竿玉
清風激昂此君語六月寒生不知暑只今見畫思故鄉
博山日永凝清香人生萬事真適意相對悠然希坐忘
題息齋墨竹圖 并序
元明善
已酉秋玄卿道提舉求賦墨竹詩走筆快書子昂仲
賓見之當大笑其狂也

玄卿口哦子昂詩手持仲賓墨竹枝此詩此畫真兩奇
似為玄卿寫幽姿日光不下雲扃暗元氣歛忽寒人肌

楓林青青少陵夢無乃澤畔逢湘纍楚江小月晃初夜
淇園苦雨秋竹迷二妃彈瑟淚如雨幽壑龍潛春欲飛
天路迢遙獨後來黑雨挾風山鬼啼老氣盤空根徹泉
地靈上訴玄冥悲摩挲老眼久知畫恍然吾與造物移
揮杯三叫我非狂墨瀋翻江江竹辭

題息齋墨竹

元
柳貫

李侯筆下翠琅玕著處清風起畫寒繭紙蘭亭誰絕識
祇將玉匣詫人看

息齋墨竹 三首

元 吳師道

長憶東陽舊使君，秋風吟倚瘦休文。
石根數葉蕭蕭碧，

長伴幽人一壑雲。

碧鮮迎舞翠華臨，一日清風滿禁林。
得士雖聞諸老薦，

報恩誰識此君心。

彭城一派接洋州，千載真傳屬薊丘。
舉世隨風翻墨水，

凝神誰識與天游。

葉敬甫所得息齋墨竹為火燎其半

元
吳師道

李侯妙畫奪天機
回祿祝融將取之
賴是清風滿盤谷
不令虐燄盡高枝

息齋雙竹圖

元
王冕

李侯畫竹真是竹
氣韻不下湖州牧
墨波翻倒徂徠山
筆鋒移出篋簞谷
千竿萬竿清影遠
百丈十丈意自足
就中分取一兩枝
別是山陰瀟灑族
疎梢颯颯鳳尾顫
修幹隱隱虬龍伏
憑軒忽若秋風來
坐使旁人脫塵俗

我生愛竹太僻酷十載狂歌問淇澳歸來不得翠琅玕
聽雨冷眠谿上綠而今已斷那時想見景何曾動心目
便欲為君真致之相對空牕慰幽獨

題息齋竹次韻

元
貢性之

憶昔舟泊湘江時青天皓月流素輝美人騎龍上天去
遊魂夜半招不歸興來一飲三百斛醉倒肯惜千金揮
孤鸞隨影秋水碧鷓鴣叫入蒼雲飛涼颼颼似鳴籟
翠霧漠漠如張幃宵中氣吐萬茁茁筆底勢走千明璣

飈車搖搖渺何許疑是柱頭丁令威風流雲散世已遠
蕭條遺墨人間稀眼前頽仰即千載底問誰亡復誰在
我來見畫如見人往事悠悠付深慨挂之高堂素壁中
老氣凜凜迴長風狂歌起舞還自惜笑看白日行青空

題李則平憲副所藏息齋竹

元貢師泰

滿川風雨長簑管吹作參差三鳳凰籜粉已翻龍甲紫
墨花還染羽毛蒼春寒弱翰當軒潤日暮清陰入酒涼
便欲截筒鳴嶰谷却愁彈瑟望瀟湘

題李息齋竹

元
于立

薊丘最愛山陰道箇箇人家好竹林夜半翠煙三萬頃
玉簫人倚鳳凰鳴

題李息齋竹

元
熊夢祥

薊丘道人寫瀟灑煙寒兔冷石齒蒼素娥剪翠雲葉亂
三十六陂春水香

題李息齋畫竹一枝

元
張天英

十年不見李青蓮幾度溪頭共醉眠寂寞一枝江上影

脩脩龍尾拂蒼煙

高彦敬尚書墨竹

元僧大訢

西域高侯自愛山此君冰雪故相看
蒼梧帝子秋風淚翠袖佳人日暮寒
妙處寧論鐵鉤鎖深情莫報翠琅玕
誅茅何處陰厓底靜看梢頭玉露漙

題高房山墨竹圖

元鄧文原

人纔有我難忘物畫到無心恰見工
欲識高侯三昧手都緣意與此君同

高房山墨竹

元 鄭元祐

高侯胸中渭川之千畝家居房山未必有如何文章政
事之暇日能為此君圖不朽想當飛墨時蒼龍投硯池
山雨急洗琅玕節海月靜照珊瑚枝自侯騎箕上天去
浮世茫茫水東注千秋萬古房山雲載拜為侯賦墨君
題高房山墨竹

元 成廷珪

黃花山主澹游翁寫竹依稀篆籀工獨有高侯知此趣
一枝含碧動秋風

房山畫竹

元 顧瑛

渴龍飲海海水寬鐵網下截珊瑚寒道人醉卧叫寒玉
金粉亂落松花壇

房山畫竹

元 馬庸

老龍吹笛海波寬一夜湘君白髮寒只恐驚飛雙鐵影
長留明月護天壇

房山畫竹

元 周谷賓

房山雲湧硯坳寬鐵火冰甌滌筆寒海上仙人應拔宅

却飛林影落詩壇

房山畫竹

元 楊維禎

高秋木落天宇寬
洞庭瀟湘生暮寒
劍氣橫空月在地
老蛟夜護仙都壇

遵道竹枝

元 張雨

簣簣谷口白雲生
雲裏琅玕萬玉聲
驚破幽人春枕夢
一牕斜月半梢橫

李遵道墨竹歌

明 張羽

墨竹昉自何人始輞川石刻今餘幾後來蕭悅稍出羣
香山侍郎獨稱美洋州太守善寫真長帽先生差可擬
江南漫作金錯刀枝葉襍褻何足齒北方作者誇澹游
房山繼之妙莫比吳興公子最擅名同時亦數薊丘李薊
丘有嗣能傳家筆勢翩翩此其是一筆玉立無因依風露
淋漓猶滿紙想當塗灑發幽興靜對山僧北牕裏江湖
無人老成盡百藝荒涼今已矣展圖三歎墨君堂秋聲
滿座悲風起

題故友楊孟載所畫竹

明張羽

數葉蕭蕭淨俗塵
人雖物故墨猶新
故人清瘦原如竹
見竹何殊見故人

楊孟載畫竹

明徐貫

江南看竹不為罕
水郭山邨常種滿
東里千竿繞佛亭
西鄰萬本連書館
密葉分陰小閣深
斜枝度影虛簾短
蕭疎夜月翠羽涼
搖曳南風鳥聲暖
嗟余好竹處處遊
徑造豈減王猷誕
湘江淇水無不到
嶰谷柯亭亦嘗歎

人間音律性所好收作鸞笙與鳳管或裁文籜製小冠
時尋新筍供清饌朝行竹下暮仍往自謂竹緣終不斷
竭來并州苦寒地沙土撲面心煩懣寧無塞草共山花
惟覺麓踈俗吾眼胸中塵氣久已積對此汾河詎能澣
君心飽有渭川思揮灑風煙意閒散封圖遠送邀我題
措語苦澁顏何赧

仲昭竹

為韓侍
御題

明

李時勉

渭川一千畝此地兩三竿盛夏那知暑隆冬亦傲寒清

陰連野外翠色上雲端不是全高節如何耐久看

題仲昭竹

明
聶大年

舍人老作鄖陽守尚愛揮毫寫竹枝絕似艤舟江水上
鷓鴣啼斷雨來時

題夏仲昭墨竹橫卷

蓋陳緝熙先生故物也

明
李東陽

崑山夏老能筆耕開雲種玉看崢嶸千條萬葉入霄漢
世間草木空有名來持琅玕叫閭闔坐使石燕無光晶
北人賞竹如賞玉直以高價酬丹青衡開丈尺直踰咫

不見枝梢見根抵恍疑湘浦推蓬行颯雨驚鷗過雙耳
九疑山高望不極影落洞庭清徹底靈籟時來天樂風
釣竿不動珊瑚水珊瑚水冷魚龍藏此翁一去魂茫茫
江山有神故物在環珮無聲涼夜長東吳老子圖書散
南國諸生思未忘重向玉堂脩竹譜須將偃竹記簣簩

題徐士元所藏夏太常竹

明
周倫

貌得高林數竿竹春雨淋漓飽新沃娟娟淨洗斷埃塵
彷彿藍田迸蒼玉挂壁悠然獨坐看頓令六月生畫寒

會貪餘蔭遍寰宇忽遣煩鬱成娛歡竹裏參差一拳石
相倚年年度朝夕冰霜不改歲寒心老去孤臣抱忠赤
太常寫此遺君家不是尋常桃李花
叩枝剪擲澄潭下
回首風雷老龍化

夏仲昭畫竹

明顧璘

石瀨涓涓水風篁裊裊枝塵途貪見畫草閣夢題詩枕
簟橫秋薄樽疊過月遲蒼林殊可老朱紱果何為

題夏仲昭竹

寄陶良伯

明楊慎

太常胸次瀟灑寬少年愛寫生琅玕白頭藝苑更入妙
筆法遠追王孟端兩家名藻雄吳下品題未覺風流亞
一紙能令百世傳兩竿不啻雙金價人言畫竹非畫工
草書結構將無同誰家高堂名寶繪徐熙花鳥迷青紅
玉人佳興松江東寄圖索賦隨長風遙知把玩清香裏
正是相思明月中

夏太常墨竹卷

為楊郎
中題

明
吳寬

友石山人去不還派傳墨竹在崑山長身迥出雲煙外

疎影平分水石間
管列笙竽陳雅樂
聲回環珮入清班
此君此日常相見
種處從今手可芟

為楊應寧題夏太卿墨竹

明

吳寬

舍人好畫誰與儔
子美詩裏之劉侯
鳳池退食多清暇
每抱縑楮從人求
昨者開筵宴賓客
四壁彷彿橫滄洲
酒酣指點到脩竹
數竿倒拂湘江秋
清風脩脩刷翠羽
孤鳳欲下中堂游
乃知夏卿妙筆墨
奇態縱橫繞頃刻
欷然令我走避之
仰面分明墮崖石
紛紛真贗不可知

我意是竹皆堪詩試看北地苦難得此種數尺青垂垂
舍人好畫兼好奇明日南行過九疑扁舟夜靜月初出
想對楚人歌竹枝

題夏太常墨竹

明

王世貞

先朝供奉去修文寫竹高名祇尚聞筆筆枝頭裊鸞鳳
家家障子鎖煙雲乾坤只合留清氣丘壑端應貌此君
解道夾池饒勝色不知原自冕園分

題楊諭德所藏王孟端瀟湘萬竹圖

明
曾 啓

王郎畫竹何神奇落筆便覺清風吹蛟龍怒奔雷雨泣
滄溟倒捲雲淋漓有時氣酣索紙筆免起鶻落誰能測
縱橫滿眼金錯刀四座陰森冰雪色九疑峯高青入天
洞庭水與三江連霓旗翠羽半明滅至今遙拂蒼梧煙
玉堂之居迴蕭爽誰與此君同一賞關西美人襟抱清
對此翛然絕塵想我亦平生愛竹流乘興欲作瀟湘遊
何時汎舟弄明月推篷却聽江南秋

王孟端竹長卷

明 李東陽

九龍山翁興豪放手持蜿蜒青竹杖酒酣怒擲江中流
化作一龍長數丈一龍躍起一龍隨倏忽羣龍駭奔浪
穿沙觸石連雲霧頭角森森各相向其間小者稱籀龍
鱗甲蛻盡風神同人道此翁善劇戲造化乃在指掌中
君不見九龍山翁去何許九龍山上多風雨素壁空
堂杖影寒夜半無人作龍語

王孟端墨竹

二首為
貞伯題

明 吳寬

九龍山下竹千竿盡屬高人王孟端何處看來渾似此
山堂疎影落漪瀾

百年風致宛如新滿地清陰庇後人金母橋頭重問舍
墨君堂上舊傳神

題王孟端贈趙定軒墨竹

二首

明

吳寬

鳳凰池上掌絲綸餘興依然見墨痕戲寫一枝何處贈
吳門相見趙王孫

秋風欲動覺蕭蕭萬木空憐葉自凋見說舍人高致好

一枝惟許換吹簫

題王孟端畫竹後

明

王世貞

老可醉吸瀟湘色吐出千枝萬枝碧彭城才守詫墨派
一掃枯篁一千尺孟端自是琅玕裔幅幅生綃露生氣
離裊殘瀟若有神或濃或淡皆天真後來太常非其倫
自言遠步湖州塵但恨無過梅道人聲華積漸昔時口
遺蹟飄零落余手高閣如聆鸞鳳鳴華堂瞥覩雲煙走
君不見黔寧假王金如山乞君片紙君仍慳野人手植

三萬箇落日清流相對閒

乾明院觀畫

宋
陸游

唐年蘭若占閒坊名畫蕭條半在亡
簌簌疎篁常似雨陰陰古屋自生涼
入門疊鼓初催講喚馬斜陽欲滿廊
顯晦熟思真有數萬金奇跡棄頽牆

馬和之卷

元
鄧文原

迴嵐洞壑玉參差滿地濃陰日影遲
寂寂柴門雲自合深深灌木鳥仍窺
滄浪唱晚空天地綠綺尋幽過竹籬

豈是柴桑歸去者時臨清淺賦新詩

奉題鮑菴所藏畫

二首

明

練子寧

鶴羽脩脩弄月明
簷簷谷裏暮寒生
憑誰截作參差玉
吹出伶倫嶰谷聲

百尺長松石上栽
紫雲深護碧崔嵬
綠蓑坐釣磐陀石
細雨斜風不肯回

題文徵明畫

明

邵寶

於畫見書法蕭然無滯情
君看片石畔叢竹忽然生

定公房小畫

二首

明
顧璘

斷來東海骨長惹老龍爭
寫作如來供猶含風雨聲
洗盡塵埃色湘江暮雨餘
誰將明月影留照草堂虛

題畫

明
董其昌

花竹蒙茸野水紆閒彈別鶴
試游魚經春自領湖山長
可奉東皇咫尺書

御定歷代題畫詩類卷七十八

欽定四庫全書

御定歷代題畫詩類卷七十九目錄

蘭竹類

書郭功甫家屏上東坡所作竹 宋黃庭堅

題子瞻墨竹 宋黃庭堅

題東坡竹 宋李昉英

東坡墨竹 元虞集

蘇東坡竹 元吳鎮

蘇東坡竹

元黃公望

東坡竹

元貢性之

題東坡墨竹

明樊阜

題東坡畫竹

明方孝孺

題東坡化龍竹

明僧維則

書文與可墨竹

宋蘇軾

題文與可竹

宋蘇軾

書晁補之所藏與可畫竹

宋蘇軾三首

贈文潛甥楊克一學文與可畫竹求詩 宋晁補之

嘉祐院觀壁間文湖州墨竹 宋陸游

文湖州竹 元鄧文原二首

題文與可竹 元張天英

文同風篁蕭瑟圖 元吳鎮

題文湖州竹 元顧瑛

題文湖州墨竹 元袁英

文與可竹 明周用二首

文湖州叢竹圖

明吳寬

題柯敬仲竹

宋杜本

題柯敬仲植木墨竹

宋杜本

題柯敬仲畫

元虞集

題柯敬仲雜畫

元虞集十首

題柯敬仲畫

元虞集三首

題丹丘畫

元陳旅

題柯學士畫竹

元陳基

題柯博士墨竹 元陳基

題柯敬仲竹 元台哈布哈二首

柯博士畫竹 元王冕二首

柯敬仲竹 元鄭元祐

用潘子素韻題柯敬仲墨竹 元倪瓚二首

題柯敬仲竹 元倪瓚

題柯丹丘墨竹 元鄭韶

題柯博士墨竹 元甘立

柯博士竹 元貢性之

題柯敬仲墨竹 元張天英

柯敬仲畫竹 元唐肅二首

題柯敬仲博士墨竹 明吳寬

題柯博士敬仲竹枝 明沈周

跋黃華墨竹 金趙秉文二首

王黃華墨竹 元元好問

題張知事所藏王黃華老人墨竹畫卷 元程鉅夫

題王黃華畫竹

明僧麟洲

題馬公振畫叢竹圖

元秦約

題馬公振畫叢竹圖

元顧瑛

題馬公振畫竹

元釋良琦

為歐陽少監題宋好古竹

元虞集

二月朔日雪中題歐陽少監所藏宋好古畫竹

元

揭傒斯

題宋好古墨竹

明危素

李夫人畫竹

元馬祖常

李夫人墨竹

明周用二首

喬夫人墨竹

元元好問二首

御定歷代題畫詩類卷七十九目錄

欽定四庫全書

御定歷代題畫詩類卷七十九

蘭竹類

書郭功甫家屏上東坡所作竹

宋
黃庭堅

郭家髹屏見生竹惜哉不見人如玉凌厲中原果木春
歲晚一碁終玉局巨黿首戴蓬萊山今在瓊房第幾間

題子瞻墨竹

宋
黃庭堅

眼入毫端寫竹真枝掀葉舉是精神因知幻化出無象

問取人間老斲輪

題東坡竹

宋

李昉英

葉葉枝枝各標緻
密密疎疎總風味
筆為化工壁為地
刻頃種成此君子
雖然月影水影寫
真似安得千年尚
生意

東坡墨竹

元

虞集

扁舟憶上浣花溪
風雨橫江萬竹低
石室歸來秋似水
蛾眉相對醉如泥
春雷翻石蛟龍起
夕照穿林鳥雀棲

二老何年重會面為揮濃墨寫淒迷

蘇東坡竹

元
吳鎮

晴梢初放葉可數新粉纔消露未乾
大似美人無俗韻
清風徐灑碧琅玕

蘇東坡竹

元
黃公望

一片湘雲濕未乾春風吹下玉琅玕
強扶殘醉揮吟筆
簾帳蕭蕭翠雨寒

東坡竹

元
貢性之

玉堂罷直獨歸遲
墨潘將秋入研池
坐到夜深清不寐
瑣牕涼影碧參差

題東坡墨竹

明
樊 阜

赤壁歸來燕寢香
夢騎玄鶴過三湘
玉簫喚醒月初墮
雲影滿簾秋氣涼

題東坡畫竹

明
方孝孺

內翰何年寫畫圖
眼中驚見鳳毛孤
一枝潤帶江南雨
遂使眉山草木枯

題東坡化龍竹

明僧維則

渭川千畝未為奇，獨羨坡仙埽一枝。
後夜風雷頭角露，看他行雨過天池。

書文與可墨竹

并序

宋蘇軾

亡友文與可有四絕詩一楚詞二草書三畫四與可
嘗云世無知我者惟子瞻一見識吾妙處既沒七年
覩其遺迹而作是詩

筆與子皆逝詩今誰為新空遺運斤質却弔斷絃人

題文與可竹

并序

宋
蘇軾

故人文與可為道師王執中作墨竹且謂執中勿使
他人書字待蘇子瞻來令作詩其側與可既歿八年
而軾始還朝見之乃賦一首

斯人定何人遊戲得自在詩鳴草聖餘兼入竹三昧時
時出木石荒怪軼象外舉世知珍之賞會獨余最知音
古難合奄忽不少待誰云死生隔相見如龔隗

書晁補之所藏與可畫竹

三首

宋
蘇軾

與可畫竹時見竹不見人豈獨不見人嗒然遺其身其身與竹化無窮出清新莊周世無有誰知此凝神

若人今已無此竹寧復有那將春蚓筆畫作風中柳君看斷厓上瘦節蛟蛇走何時此霜竿復入江湖手

晁子拙生事舉家聞食粥朝來又絕倒諛墓得霜竹可憐先生樂朝日照苜蓿吾詩固云爾可使食無肉

贈文潛甥楊克一學文與可畫竹求詩

宋
晁補之

與可畫竹時胸中有成竹經營似春雨滋長地中綠興
來雷出土萬籜起崖谷君今似與可神會久已熟吾觀
古管葛王霸在心曲遭時見毫髮便可驚世俗文章亦
技爾詎可枝葉續穿楊有先中未發猿擁木詞林君張
舅此理妙觀燭君從問輪扁何用知聖讀

嘉祐院觀壁間文湖州墨竹

宋

陸游

石室先生筆有神我來拂拭一酸辛敗牆慘澹欲無色
老氣森嚴猶逼人慣閱冰霜元耐久恥隨兒女更爭春

紛紛可笑空摹擬爾輩毫端萬斛塵

文湖州竹

二首

元
鄧文原

翰墨真儒者事書生如山未知判取詩書萬卷來看風
霜一枝

此老墨君三昧雲山發興清奇我在蓬萊書府曾看曉
靄橫披

題文與可竹

元
張天英

欲屈王郎作檠使只應蕭李與文侯尚有陰陰竹里館

萬竿玉立輞川秋

文同風篁蕭瑟圖

元 吳鎮

翠羽參差自一叢
湘江清影澹微風
開圖忽覩題痕處
羨殺當年笑笑翁

題文湖州竹

元 顧瑛

湖州昔在湖州日
日日逢人寫竹枝
一段枯梢作三折
分明雪後上牕時

題文湖州墨竹

元 袁英

清貧太守石室翁渭川千畝藏胸中理間舐筆盤礴羸
兔走鵲落無留蹤雨梢晴葉各殊態揮灑位置真纖穠
中峰隱居撥鐙法氣韻生動將無同墨君一派來自東
轆材當萃彭城公平生知己最親厚走書調笑言春容
陳州客舍示長舌脩然化去當元豐嗚呼二老不復作
空瞻遺墨翔鸞龍

文與可竹

二首

明

周用

風梢如許墨津津知道胸中有渭濱敢望鵝溪三百尺

却憐太守故清貧

太守清貧喚不聽
筆尖想見玉亭亭
擬持三百鵝溪絹
賸埽風梢萬尺青

文湖州叢竹圖

明
吳寬

湖州去世六百年
尚留細竹翠娟娟
縱橫散亂如蓬賤
豈是坡仙詠漢川
兩崖脩影何處見
石罅百折流清泉
泉鳴竹響合虛籟
我欲拄杖聽泠然

題柯敬仲竹

宋
杜本

翠雨娟娟帶潤清風細細生香頗憶當年供奉閒情都
付流光

題柯敬仲植木墨竹

宋 杜 本

絕愛監書柯博士能將八法寫疎篁細看古木蒼藤上
更有藏真長史狂

題柯敬仲畫

并序

元 虞 集

予先世居隆州州治之後山石室翁守郡時隆為陵
州州事簡時來就吾家拾故紙背作茅蘭竹木之屬

所得頗多吾幼時尚收得數紙今亦亡之丹丘生用
文法作竹木而坡石過之近又以新意作墨花甚妙
從子悅有眉山學官之行丹丘為作此予愛而賦之
昔者老可守陵州守居北山吾故丘太守時來看山雨
每畫紙背成滄洲老蒲松墨色過重揮霍陰崖交劍矛
百年離亂亡故物敝篋江南誰復收新圖簞簣枝葉脩
使我不樂思昔侯碧雞祠前杜鵑叫玉女井上叢篁幽
棠梨樹高青子落碧花翠蔓縈牽牛揚雄無家不歸老

蟪蛄蟋蟀寒相求
丹丘先生東海客
何以見我空山秋
蕭條破墨作清潤
殘質刊落精英留
陂陁重複分細草
山石縈紆生亂流
眉山學官不厭冷
言歸故鄉非遠遊
石田茅屋儻可得
萬里欲上東吳州
百花潭深濯新錦
持報以比珊瑚鉤

題柯敬仲雜畫

十首

元

虞集

北苑今仍在南宮奈老何
青山解浮動端為白雲多
雨過蒼苔石雲生野岸泉
幽懷春冉冉穉子秀娟娟

鐵石餘生色
冰霜作曉妍
春雷明日起
何處尚龍眠
昔過篴簫谷
鈎衣石角斜
擬尋龍作杖
拾得上天槎
黃金千鎖甲
琱玉六簾鈎
雨送鴛鴦夢
煙籠翡翠愁
娟娟生玉潤
楚楚作金聲
羽扇迎風定
羊車過月明
峽石春雲重
江南夜雨多
水深桃葉渡
風急竹枝歌
平陸蒼龍起
近山生遠煙
前村三萬頃
明日水平田
莓苔生石路
翠竹自交加
不惜青鞵濕
臨流踏白沙
昨夜採樵去
偶逢三尺枯
山人不到海
不識是珊瑚

題柯敬仲畫

三首

元虞集

蒼涼初日出黃落早知秋
不遇采芝客寧知叢桂幽
明堂要梁棟大匠取脩直
鬱屈崖石間秋風動蕭瑟
瀟灑一枝新惟堪埽淨塵
白雲在牕戶留作老僧鄰

題丹丘畫

元陳旅

金章博士丹丘子家住江南
落木洲種得琅玕長百尺
看渠簷外拂高秋

題柯學士畫竹

元陳基

羣玉仙人佩水蒼金莖分露服琳琅曾將天上昭華琯
吹作飛龍奉玉皇

題柯博士墨竹

元
陳基

京洛緇塵染素衣故園清夢苦相思歸來無限江南意
寫作春風暮雨枝

題柯敬仲竹

二首

元
台哈布哈

堤柳拂煙疎翠葉池蓮過雨落紅衣娟娟唯有牕前竹
長是清陰伴夕暉

梁王宅裏參差見山簡池邊爛漫栽記得九霄秋月上
滿庭清影覆蒼苔

柯博士畫竹

元王冕

湖州老文今已矣近來墨竹誇二李紛紛後學爭奪真
畫竹豈能知竹意奎章學士丹丘生力能與文相抗衡
長縑大楮盡揮掃高堂六月驚秋聲人傳學士手有竹
我知學士琅玕腹去年長歌下谿谷見我忘形笑淇澳
為我愛竹足不閒十年走遍江南山今日披圖見新畫

乃知愛竹亦如我何當置我於其下竹冠草衣相對坐
坐嘯清風過長夏

柯博士竹圖

元 王冕

先生元是丹丘仙迎風一笑春翩翩琅玕滿腹造化足
須臾筆底開渭川我家只在山陰曲脩竹森森炤谿綠
只今榛莽暗荒煙夢想清風到茅屋今朝看畫心茫茫
坐久忽覺生清涼夜深明月入高堂吹簫喚來雙鳳凰

柯敬仲竹

元 鄭元祐

羈栖江海姿飛墨鬢如絲天綠鸞留影篴簫雨後枝

用潘子素韻題柯敬仲墨竹

二首

元

倪瓚

古木幽篴春淡淡斜風細雨石蒼蒼何人識得黃花老
弄翰同歸粉墨囊

吳松江水似荆溪只欠山光落酒卮古木幽篴無限思
西風吹鬢影絲絲

題柯敬仲竹

元

倪瓚

誰能寫竹復盡善高趙之後文與蘇檢韻蕭蕭人品係
篆籀渾渾書法俱奎光博士生最晚耽詩愛畫同所趨
興來揮灑出新意孰謂高趙先乎吾

題柯丹丘墨竹

元 郊 韶

玉文堂上寫琅玕只作吳興老可看一夜秋風動寥廓
絲雲零落鳳毛寒

題柯博士墨竹

元 甘 立

嶰谷春回落粉香拂雲和露倚蒼蒼月明後夜吹簫過

應是伶倫學鳳凰

柯博士竹

元 貢性之

丹丘遺老舊詞臣歷代圖書鑒賞頻
閒却玉堂揮翰手墨池染出鳳毛新

題柯敬仲墨竹

元 張天英

天矯窮鱗江海姿只今飛墨鬚如絲
五雲天遠龍髯墮盡作簣簵雨後枝

柯敬仲畫竹

二首

元 唐 肅

琅玕舊栽處延閣已生苔莫把吳鹽灑羊車不復來
金章鑒書處寫竹似湖州今日江南看蕭蕭故國秋

題柯敬仲博士墨竹

明 吳寬

奎章閣下鑒書時書法翛然見竹枝碧玉漸高應解籜
倩誰深刻道園詩

題柯博士敬仲竹枝

明 沈周

楚煙吹濕碧琅玕認得奎章墨未殘莫問先生歸去事
江南春雨杏花寒

跋黃華墨竹 二首

金趙秉文

老可能為竹寫真東坡解與竹傳神墨君有語君知否
須信黃華是可人

淡墨閒臨謝女真蕭然林下自風神世間亦有丹青手
只解尋常寫市人

王黃華墨竹

元
元好問

古來畫竹尊右丞東坡歛袂不敢評開元石本出摹寫
燕市駿骨留空名亦有文湖州畫意不畫形一為坡所

賞四海知有簣簣亭深衣幅巾老明經老死不敢言縱
橫豈非遼江一派最後出運斤成風刃發硎雪溪仙人
詩骨清畫筆尚餘詩典刑月中看竹寫秋影清鏡平明
白髮生娟娟略似萱草詠落落不減叢臺行千枝萬葉
何許來但見醉帖字敬傾君不見忠恕大篆草書法趙
生怒虎喫墨成至人技進不名技遊戲亦復通真靈百
年文章公主盟屏山見之跼且擎聲光舊塞天壤破議
論今著兒曹輕有物於此鳴不平悲邪嘯邪誰汝令只

恐破窗風雨夜心隨雷電上青冥

題張知事所藏王黃華老人墨竹畫卷

元

程鉅夫

黃華不見見琅玕蒼雪紛紛六月寒盡日搖毫描不就
若為持與墨君看

題王黃華畫竹

明

僧麟洲

輞川竹裏舊題詩畫裏如今似見之滿耳秋聲人不到
彈琴長笑月來時

題馬公振畫叢竹圖

要玉山同為
文海屋賦

元秦約

鳳丘張樂夜厭厭飛蓋追隨思未歡憶得瑤階新雨過
笑渠猶倚水晶簾

題馬公振畫叢竹圖

元顧瑛

渚宮避暑畫厭厭折得宜男思不歡薄暮羊車過閭道
夢隨春雨度湘簾

題馬公振畫竹

元釋良琦

馬氏白眉者隱居婁水湍間將筆五色醉埽玉竹竿露
重鳳毛碧月明龍氣寒春山歸正好稚子喜相看

為歐陽少監題宋好古竹

元虞集

幕中能寫竹作此雨瀟湘出石根還瘦臨溪影更長班
班稚子立一一鳳雛將日有長安使平安問老蒼

二月朔日雪中題歐陽少監所藏宋好古畫竹

元揭傒斯

農朝下延閣貽我翠琅玕微霜著節勁細霧入林寒敲

金匱要略卷之十九
枝偏稱遠壓葉更宜攢孤石覆逾潤橫坡晴不乾况茲
春雪裏相對五雲端誤當裁汗簡誰擬截漁竿惟應湘
浦上共歸幽人觀

題宋好古墨竹

明
危素

我憶東曹粉署郎琅玕寫就拂雲長祇疑散步雲林曲
獨聽秋聲待晚涼

李夫人畫竹

元
馬祖常

夫人閨房秀手灑千畝雨不見蒼梧妃彈瑟瀟湘浦

李夫人墨竹 二首

明周用

蜀國猶餘舊錦裙
平生那識郭將軍
誰教明月臨脩竹
影落空牀欲夢雲

湘江妃子淚斑斑
龍馭南巡竟不還
故國何人忘此恨
却傳清影落人間

喬夫人墨竹 二首

元元好問

萬葉千梢下筆難
一枝新綠儘高寒
不知霧閣雲牕晚
幾就扶蘇月影看

只待驚雷起蟄龍忽從女手散春風渭川雲水三千頃
悟在香巖一擊中

御定歷代題畫詩類卷七十九